

欽定四庫全書薈要

集部
別集類

吉林出版集團有限責任公司
海天出版社

目次

書名	卷次	頁次	作者
淵穎集	卷一—卷二二	四〇五—一	元・吳萊撰
卷首		四〇五—五	
卷一		四〇五—一六	
卷二		四〇五—三七	
卷三		四〇五—六〇	
卷四		四〇五—八九	
卷五		四〇五—一〇二	
卷六		四〇五—一二一	
卷七		四〇五—一四五	
卷八		四〇五—一五九	
卷九		四〇五—一七四	
卷一〇		四〇五—一八七	
卷一一		四〇五—二〇一	
卷一二	卷一—卷二〇		元・柳貫撰
待製集			

書名	卷次	頁次	作者
卷首		四〇五—二二三	
卷一 五言古詩		四〇五—二二六	
卷二 五言古詩		四〇五—二三九	
卷三 七言古詩		四〇五—二五八	
卷四 五言律詩 五言長律 五言絕		四〇五—二七五	
卷五 七言律詩		四〇五—二九二	
卷六 七言律詩 七言拗律 七言絕		四〇五—三一〇	
卷七 製誥表箋狀祝文策問		四〇五—三三〇	
卷八 謚議		四〇五—三四七	
卷九		四〇五—三六三	

書名	卷次	頁次	作者
碑銘 頌			
卷一〇 墓誌銘		四〇五—三八一	
卷一一 墓誌銘		四〇五—四〇四	
卷一二 墓誌銘 塔銘 墓表 甄誌		四〇五—四二六	
卷一三 銘 辭 贊 箴 傳 書		四〇五—四三九	
卷一四 記		四〇五—四五二	
卷一五 記		四〇五—四七三	
卷一六 序		四〇五—四九九	
卷一七 序說		四〇五—五一一	
卷一八		四〇五—五二三	

書名	卷次	頁次	作者
題跋 卷一九 題跋 卷二〇 行狀 祭文 誄 啓 附錄		四〇五—五三九 四〇五—五五六 四〇五—五七八	

欽定四庫全書薈要

集部
淵穎集卷二

欽定四庫全書薈要

淵穎集

提要



臣等謹案淵穎集十二卷附錄一卷元吳萊

撰萊字立夫浦陽人延祐中復科舉之制有

司以春秋薦不第後以薦署饒州路長鄉書

院山長未行而卒年僅四十四其門人金華

宋濂等私謚為淵穎先生據其謚議取經義

欽定四庫全書

淵穎集
提要

元深為淵文辭貞敏為穎也萊與黃潛柳貫

並受業於宋方鳳師友淵源具有授受再傳

而為宋濂遂開有明一代文章軌轍故年不

登中壽身未試一官而在元人中屹然負詞

宗之目所撰有尚書標說春秋世變圖傳授

譜古職方錄孟子弟子列傳樂府類編楚漢

正聲諸書今多散佚遺稿甚夥濂為摘其有

闕學術議論之大者編為斯本青田劉基序

臣董誥詳校
詳校官助教臣謝登雋

之碑文謚議一卷別為附錄黃潛稱其文蘄

絕雄深類秦漢間人未免稍為溢量胡助謂

他人患其淺陋而萊獨患其宏博則篤論矣

王士禎論詩絕句有曰鐵崖樂府氣淋漓淵

穎歌行格儘奇耳食紛紛說開寶幾人眼見

宋元詩實舉以配揚維禎而其所選七言古

詩乃錄萊而不錄維禎蓋維禎才人之詩萊

則學人之詩恃氣縱橫與覃思冶煉門戶固

殊士禎論詩絕句作於任揚州推官時而古

詩選一書則其後來所定所見又別也乾隆

四十二年九月恭校上

總纂官臣紀昀臣陸錫熊臣孫士毅

總校官臣陸費輝

欽定四庫全書

淵穎集
提要

淵穎集原序

太上有立德其次有立功其次有立言三者不同苟有

一焉皆足以立乎天地之間而無愧於為人矣自世之

言者陋文章之習而高德行之士伸一人於千萬人之

上其意將以懲夫末流之敝云爾非所以顯道神德行

也古之聖人德脩於身矣而又欲天下皆如吾身之脩

也豈惟天下皆如吾身之脩哉而又欲後世皆如吾身

之脩也天下盡乎人矣吾身可以及之後世非止乎今

也吾身烏得而及之是則吾德之所被而吾功之所樹

者亦斬矣然聖人必欲使天下後世皆有以及焉則立

言其可少哉六經聖人之文也所以為天地立心為生

民立命為萬世開太平者非細故矣由是以降苟非申

韓之刑名管商之功利儀秦之捭闔孫吳之陰謀楊朱

墨翟老莊釋氏之淫辭邪說則凡是非不詭於聖人者

其於人心世教豈盡無所裨益哉翰嘗讀賈誼董仲舒

之文而恨當世不能盡用及觀揚雄之太玄法言又歎

欽定四庫全書

淵穎集
原序

時人少有知者以為豪傑之不過大率如斯故不待論其言之傳否而深為有國者惜之南北混一以來朝廷太平之治垂及百年仁恩福澤結在人心而紀綱法度寢不能無弛先生當延祐天歷之間嘗慨然有志當世之務矣其擬諭日本書蓋其十八時所作也人謂其有終軍王褒之風其論守令鹽筴楮幣事逮今十有餘年執政者釐而正之往往多如其說先生析辭指事援筆頃刻數百言馳騁上下要不失乎正雖處山林未嘗忘

欽定四庫全書

淵穎集
源序

情天下使其在官守言責之列推明古者所以立極成化之道為吾君吾相言之當不止是也而先生生命不與時偶器不求人售素又羸弱多疾未中歲而蚤卒今之著于篇者殆猶未盡其蘊也初浦江有宋儒者曰方韶父先生師法為學者所宗知名之士如侍講黃公待制柳公皆出其門晚得先生尤奇其才而以斯文望焉先生貌寢陋言語若不出諸口而敏悟過人得於天性少嘗從族父幼敏家竊取書觀之族父知而叩之靡不成

誦博聞強記與之游者皆自以為不及會有司舉進士遂以春秋中鄉試北至燕東浮于海好為瓌奇雄偉之觀見人固守章句意頗陋之然則先生之所負抱者為何如哉惜其學不見於用而世之知者鮮也門人宋濂懼其泯而不傳迺彙次其詩文為集若干卷俾翰為之序嗚呼翰昔受教於先生竊觀先生之所以用其心者期以立乎天地之間無愧於為人焉耳烏暇較一世之短長哉故論而序之信是集之不可不傳也先生諱萊

欽定四庫全書

淵穎集
源序

字立夫至正十有二年秋八月二十六日門人金華胡翰謹序

人之所以成名者三曰道德文章技藝皆不可以無師道德以為之根幹文章技藝以為之葩華技藝生而知之者問世或出人不能皆也苟無師焉如天之無弓如汲之無綆如醫之無方如車之無御如越人之燕而無為之導矢無弓雖見而不能造汲無綆雖欲而不能得醫無方雖知病而不能療車無御雖有馬而不能同越

人之燕而無為之尊則不阻於江河必迷於歧路雖抗其心神羸其筋骨終不能以徑達故器備矣必諧之以律呂然後可以成聲音物有矣必將之以禮樂然後可以致鬼神兵足矣必律之以曲制然後可以平邦國是故搏土為尊而畫之與犧象不異而不可以盛酒未嘗由乎鈞陶也削木為弓而漆之與彤垓不異而不可以穿革未嘗由乎鑿括也人之欲成名而無師焉亦是之類矣予嘗悲今之為文章者皆不如古及見宋君景濂而心服之嘗為叙其文集以命後進又每慨歎輿圖之廣生養休息非一二世何太平遺老就盡漠乎無有繼者而天獨私於宋君也及今年宋君以其師吳先生之遺文若干卷示予予一讀而駭再讀而敬三讀而不知神與之接融融漾漾不知其言之樂之詠之歎之也於是乎乃知宋君之所以過人者有自來也昔者孟子謂離婁之明公輸子之巧不以規矩不能成方圓師曠之聰不以六律不能正五音堯舜之道不以仁政不能平

欽定四庫全書

淵穎集
原序

四

治天下唐柳子謂今之世不聞有師予雖與吳先生同為浙東人而各里其里無事不相來往不及見吳先生今得偶宋君於羈旅且因宋君而得見吳先生之文乃知浙河之東以文章鳴於世者無時而乏故竊自慶而為之序且陳其不可無師之說庶有裨於後來者哉文林郎江浙等處行樞密院都事前進士青田劉基序

浦陽仙華諸峰蒼翠萬仞其巔絕峻拔之形瑰詭雄特之狀金華北山不能過也故其氣之清泚靈秀蜿蜒磅礴而鍾為名世大儒者固宜有之若存雅先生方公翰林待制柳公則其人也最後深裏先生吳君立夫出焉立夫氣稟尤異負絕倫之才自其少時讀書日記數千百言下筆為文如雲興水湧二先生深所畏愛者也故方公以孫女妻之而且盡傳其學焉凡天文地理井田兵術禮樂刑政陰陽律歷下至氏族方技釋老異端之書靡不窮考含其英咀其華於經史之學益研精究其指歸故發為議論文章滔滔汨汨一瀉千里如長川大

欽定四庫全書

淵穎集
原序

五

山之宗夫海嶽也如千兵萬馬啣枚疾馳而不聞其聲也嗚呼壯哉他人恒苦其淺陋立夫獨患其宏博者也庸詎非仙華神秀之所鍾而能若是耶惜其蚤世莫得少見于時僅嘗一用春秋薦不第遂隱居講學從遊甚衆凡經指授悉有可觀於是大肆其力於學問文章而卓乎不可及矣嗟夫彼其僥倖一官乘時射利而無片言隻字可傳于世者其視吾立夫雄文偉論馳騁于司馬子長劉向揚雄之間者是果孰為失得哉必有能辨之者今門人高弟宋君景濂不忘其師子雲之係芭昌黎之李漢也收拾遺文若干卷徵予序引夫文豈待序而傳者哉然玉韞石輝珠藏川媚異時僊華山下有光燭天者必遺文所在也尚何患其不傳哉承事郎太常博士致仕東陽胡助謹序

欽定四庫全書

淵穎集
原序

六一

欽定四庫全書薈要卷一萬六千四百二十

集部

淵穎集卷一

元 吳萊 撰

大游賦

并序

毗陵道士盛允升東游會稽予聞其風神穎異被服蕭爽蓋將自是而汗漫六合者也張君子長約同送之賦用是作遂題曰大游

夫何一高士兮獨曠視乎八區朝吾車之風駕兮夕予至於清都仰天路之遐遞兮挾陵陽而與俱遡剛風而

欽定四庫全書

淵穎集
卷一

一

頽倒景兮浮沆瀣而喻青霞蜚廉起而前導兮擊靈靈使後驅素蜺天矯而為纓弗兮神鳳襪襪以揭旌恍大游之所歷兮撫四海其無家喑塵濁之不可以止息兮吾將抵乎崑崙之遺墟嗟東轅之我躋兮探究委之嵌穴帝禹告予以所藏兮發濤江之漲雪登桐柏之嶄巖兮瞰赤城之嵒巘颯蓬嶠而我欲徑到兮恐蜃樓之明滅歛南轉而弭節兮過瀟霍之層峰放盛唐之匪終兮梁魚鼈而躡蛟龍倚巫峽之臺觀兮莽峨嵋之雲松沂

丹丘予定不死兮躋羽國以從容忽浩歌而西邁兮適
金天之沃野遵黃河而跋石室兮王母被髮以嘯處尋
秦一與九垓兮貫華陰之幽岵招韓衆而許度世兮固
內人之弗遑遽覩迺北折而亟去兮出鴈門之嚴寒恒
嶽縣亘乎不絕兮絕碣石於瀾漫搜赤舄於遺榛兮簸
樓船乎狂瀾候鷄鳴而直上日觀兮吾特痛夫僊學之
艱難伊天地之晦冥兮條陵谷之遷徙遭女媧之降阜
兮顧嵩少之崛起經陽都之酒家兮躋王屋之石髓披

欽定四庫全書

淵穎集

三

河上之靈筌兮植漆園之與指惟小別而千齡兮復一
瞬以萬里劃狐鳥之丘垤兮洞螭蛄之年紀心委蛇而
自神兮形曠蕩其離滓信吹萬之不同兮恒抱一以終
始胡久居乎寰內兮欲絕出於大荒扳建木而與為陟
降兮絙鐵鏢於無傍瞻帝車之中運兮閭闔闔以上征
屈軒轅之蹉伏兮耿招搖之耀鉉引弧井之壘落兮炫
奎壁之圖章繡龍漢之寶歷兮徹鬱鑑之神鄉幸寘身
於一氣兮卒齊壽於三光宜凡夫之穢濁兮又孰契夫

欽定四庫全書

淵穎集

三

大道而翱翔自放懷於天外兮眇累塊於千億惕世途
之嶮巖兮兇蠶螳之營役豈耽名而嗜利兮或酣酒而
溺色諒金石之銷泐兮竟丘壘之堆積唉吉雲之鉅數
兮縹步景而我服歎甘露之靈壘兮和冰玉以為食彼
策精之有書兮吾尚懼夫骨錄之弗得將藥珠之不遠
兮盡蝌蚪而莫識懿周流而至此兮聿笑傲以言旋樂
自然之日月兮攬無鞅之風煙壓洞庭之浩渺兮展林
屋之聯縣龍威蚺蛇而跼踞兮寶鎮晃爛而瑛鮮迺霄
崢之欲拚兮覺鼎竈之猶燃燭大還而蟬蛻兮擊小有
以鶴翩躬虛無而不宅兮味澹泊以為淵等古今於一
軌兮混生死其同鄺儼坐在而立蛻兮蘊執袂與拍肩
真山澤之一臞兮夫豈論乎三墨暨九仙固道術之所
致兮曷曲謏而究旃馳箋語而往訣兮却永存於上玄
海東洲磐陀石上觀日賦

粵東游乎海徼兮得偉觀於陽阿登盤陀之疊石兮路
崢嶸以巍我天雞號而夜半兮瞰欲出於重波恍玄幕

之沉黑兮惚火輪之蕩摩緬義和之有御兮扶木燭其
將花渺湯谷之不可以里兮屆高春其幾何嗟世靈之
安在今尚昧冥而未旦睹帝車之邪逆兮耿星宿於霄
漢漸島嶼之萐鮮兮益淼茫而瀰湯恐闌闌之猶爾夢
寐兮類蟄蟲之惛亂胡乾極之牽掣兮儼機軸之翕張
固陰泉之歛烟兮煥燭燧之奮颺煒跋烏之燿熠燿爛
兮渴咏解羽貌以迭礪械燭龍之燬炳颯昱兮熾頌爛
目頌其方驤縣燔鏡之熒灼炭熅兮鮫人泉客剗濯有

欽定四庫全書

淵穎集
卷一

四

光振頽鼓之焱燼炫輝兮北落辟壘巖嶙前行指綵虹
之抱戴珥璫兮璀錯燦爛綢繆皇想朱鳥之次舍軌
度兮豁達蘭轡銜燿銑乘寒滂潮水之偵倒推盪兮
散曉緞霞氣之輾輻彩童迺蜚騰於霖霏兮竟瞑眩於混
茫繫高抗乎氛暄兮僅啓明之獨燦歛遠麾之廣燭兮
速羣動之盡躍川后潛精而窟藏兮海童覲曜以聳愕
鮫鼉揚鬚撥鬣以悠漾兮鴻鶴刷毛挾翅而陵薄莽琅
琊之躋臺兮灑鯨山而晝其燿也閒羅浮之澗井兮滉

欽定四庫全書

淵穎集
卷一

五

蜃穴而夜其燭也迅夸娥之杖策兮懼追逐而莫之跳
淩也怒魯陽之揮戈兮恠盤礴之弗吾規窺也惟圭臬
之可測兮奈隙駒之焉託恒鞠明而究曛兮遂壯凋而
老鑠昔聖賢之有法兮寔蓋渾之同天矧鍊石而凝質
兮復斷鼇而鎮淵將渤澥之鑿窵兮淪谷底而迭燃抑
崑崙之嶮峙兮繞巖腹而互旋豈文身黑齒之俯邇所
出兮貫裸壤以相連或崦嵫濛汜之遠壓所沒兮罄八
國之窮壖歎嚴冰與颺雪兮曠古莽之鮮覺常眠惕重
蒸與疊熱兮歛炎丘之毒瘴靈烟諒衆人之懜陋兮特
蜂螳之撲緣偉小兒之辯智兮雖睿哲而勿宣彼凡俗
之多故兮遇曙朝而即覺誠旦晝之枯亡兮嚮晦昏而
暫定紛仕學之攘爭兮集農商之關迸淫末作以相資
兮侈利心之百竅僮桑榆之不復滅沒兮盡奪時而力
政顧爵儀之恒若溟滓兮庶保躬而固命叫曉籌而催
闢兮警宵柝而告靜信舉策而豫知兮幸聞鍾而深省
何觀瞻之不足兮重徙倚以盤桓光已通於一躍兮影

奚候於三竿遼層溪之畢露兮屹東霍之巖巖念列仙之獨往兮扼羨門於波瀾劃孤嘯而陟降兮撤蒙部以忻歡顧秦越之邈不相及兮又焉論夫遠近於長安

羅浮鳳賦 并序

羅浮鳳者海南小禽也家居自嶺嶠回挈之北上予嘉其身負文采拔去幽阻而欲自售其羽儀也是知士之抱道德懷文章無微不聞無遠不達豈肯久滯於天涯海角之墟而遂已乎雖然予愧多矣乃為賦曰

欽定四庫全書

淵穎集 卷一

六

惟海邦之異產挺羽族之光華育火德而有耀控離垣以為家迤赤土之重漲眇丹丘之僻遐顧性命之淺薄特殷桓於烟霞原夫自南自北載蜚載止蜚不妄集棲必倒跼青飾衣衿紺流爪翬信鳳敷之多奇類龜臺之所使吮夕秀於紫芝嚼寒香於瓊蕊雖斥鷃之同羣固鸞皇之等美於是本山川之迢遞美體氣之自然胡虞衡之弗及隔瘴癘以能全戒羅氏而弋舉命鳥夷以籠遷望上林而奉進跋神嶽以增妍念安期之蓄養受抱

樸之矜憐守一枝於嶺木得數粒於品泉忽獸圈之可近任地微之長捐尚蓬蒿之改觀何鼎俎之容殯當其緬南國之蒸爍汴古龍之沉隘宜臬賦之爾殊渺狼眈之昏昧裸黑質而無繒甕鱗軀以弗饋奈屋居之何有望魚鼈而犇沛胡鷁鷁之種族獨黼黻以藻繪矧鞦莎而臆蘭匪距金與羽芬獻麗容而自媒炫靈表而罔害將尤物之移人豈凡禽之一槩若乃考黔羸之所毓鍾品彙而降祥負英姁而可貴閔草莽而愈彰心恒馳於北闕跡曷屏於東崗薦董賈之術業熾淵雲之辭章偉畎谷之文翟諒備采而有光逝炎洲之孔鷁或聚冠以見戕幸全生而特遇肯處遠以回翔儻遲延於歲月恐滅沒於殊荒然則偶時景之和暢跋閭闔以凝竚稽師曠之補經驗治長之辯語感軒閣之邨圖副舜庭之率舞聲格磔而應弦勢盤旋而列簾祠爰居而眩惑奏鵠雀以笑侮卯條支而必致毛拂秣而曷舉彼尋常之猥陋雖籬落其若阻相盛德之休明謂萬里而來觀是故士

欽定四庫全書

淵穎集 卷一

七

當貴而自重世何嫌於處卑
盤山谷之巢穴夢朝廷之
羽儀仰天地之廣大拔聖賢於窮
羈極英材之銜鬻忍
道德之擲遺惻朔風以吹
慙慘寒雪以刮肌屹碧梧而
弗實挺篁竹以無枝鼓乘傳之
壯志蘊弄縵之妙姿柰
負貳之久枯窘侏儒之長飢
庶飛搏於鵬路終飲啄於
龍池尚茲鳥之吐數遂歷言而詠斯

歎疾賦

伊天地之常運兮何我生之邁屯
罹終歲之奇蹇兮斲

欽定四庫全書

淵穎集
卷一

八

一元之泚醇莽門徑其委草兮淒戶牖以凝塵
寘冠衣而不理兮念動履之艱辛揆世稟之有植兮本胎氣之稟育
粵襁抱而多厄兮謂乳湏之不足胡肌髓之腹削兮僅側身而于陸
矧食飲之稀薄兮略鋪糜於鼎餽顧廬伍之同處兮雜悲歡與慘
哭喑寒暑之中人兮逞菑淫而瘴毒諒膠轕之無已兮竟沉痾而
反覆尚何樂之起予兮幸我神之來復惟聖人之所慎兮儼前訓之
著龜信軀命之寔切兮曷戰兢而自持奈衰風之竊發兮

挾沴血以侵欺漸黃槁而痿蹶兮致熬泗以殷屎高山

嘘其傷陽兮痛壞木之無枝廣澤淤而積陰兮懼窮魚

之弗移儻湔腸而浣胃兮特湯齊之我遺庶扶形而矯

摩兮固史扁之可期當田野之蕭索兮忽雪霜之交摯

彼蠢翹之有知兮迺坯蟄而日閤龍何潛而弗蜚兮蠖

何屈而弗肆相昆蛟之各以其時兮豈長羸之多懟晝

弄躍而亟思兮夜睥鱖以忘寐人病攻螫而戕賊兮世

恙灌熏而顛躓爛狐狸之老奸兮舞鬼蜮之遺智恐病

欽定四庫全書

淵穎集
卷一

九

危之或然兮臨淵谷而增惴紛遂古之開物兮實鉅靈
之毓鮓精日月之照燭兮竅風雷之噓呀真頭顱而上
峙兮象山歎之巍峩縣肺臟以中居兮通脉絡若江河
蓋全軀而至貴兮宜攝性以享遐肯節宣之乖逆兮恣
榮衛之憑訛搏羽苞而覓燧兮殆燒燭之見加揚凌枯
以攪沸兮雖金石其謂何彼衆人之豐碩兮胡衰我而
微瘠舉世競於塗隧兮獨床社以栖息矧一旦之即安
兮置事功而弗獲恐後日之併無此身兮虛名實而罔

績緬嵩少之有隱兮曰烟霞之膏肓指龜策之可筭兮
懷枰醕而降祥彭祖偃俛而下窺兮尚援藤乎若驚接
輿蹁躚以自鑒兮窘霖雨而肆狂漢史病而留滯兮感
封禪之從行唐傑憊而悲憤兮賦棠梨以惋傷顧真材
之豈不爾遇兮恍景耀之弗彰發鸞翎而使飛兮縹驥
足以待驥况我躬之踳蹬兮愈遲暮以潛藏惜脩名之
未立兮笑髣髴之先霜抗龍文之鼎鼎兮擿虎首之擊
囊吾尚擬夫列仙之可學兮佩丹訣而不敢忘

欽定四庫全書

淵穎集
卷一

十

起病鶴賦 并序

予少多病嘗作病鶴賦以自況蓋言吶然如不出口身
退然如不勝衣後雖稍自振於時亦不克也然其稟已
不存矣嗚呼予病久且痼其尚可以未起乎起之在我
而已於是復作起病鶴賦以示知我者

伊元造之播物有九臯之靈禽稟幽心於藻質散鷁翅
與玄衿倚嵩丘之石室瞰蓬島之清澗眇八紘於一舉
曠千里之遙臨然而山多藏陰野積冰雪老松無柯百

草肅殺圓吭塞喑弱旺摧折赤精眇昏纖趾蹙躚胡志
向之殊卑尚光儀之迴潔匿平林而幕迷壓巨壑之研
裂是以前瞻恍愀後顧襟袂投蹤灌木憇影沙坻靜非
馴擾動若鬲羈徘徊蕭索躑躅險巇奈世氛之混濁憶
天路之孤危望鴻鵠而不及慙燕雀之陵欺俯爭枝於
斥鷃遠絕軌於長離顧雲海之日隔窘稻梁之恒飢幸
樊籠之匪觸豈繒繳之來施亦何恙之不已廼歷年而
留茲至若高步自怡嘯呼同侶拉颯思奮踉蹌起舞風

欽定四庫全書

淵穎集
卷一

十一

生則虛曠露隕則淒楚拊青田之故巢晚華表之遺柱
夷采薇於崑谷憲含糗於環堵駟塞剝而罕逢鴻激亢
以多忤唏胎化之尚然睽帝鄉而延佇抗衆彙而不羣
懼終身之畸旅於是齠養既久栖跼載寧土木內蓄火
金外形梳埋碎玉剷除殘腥羨門許其彳亍玄俗惜其
矜轔適武丁之寓篆發緱嶺之藏經服仙人之上乘擁
太古之遐齡故能一洗塵滓直遡寥廓仰拂紫宮迴翔
金閣過夷羊於南維窺辟壘於北落濯長河之奔流凌

倒景之照燭道素蜺之飄揚櫻鵲鳥以距攢躔建木之
絕標濟神芝之奇藥然後希一真而水固超無極而磅
礴曰復予之本初竟誰辯其所至之垠鄂惟天地之一
指忽古今之紛更人何窮而不達物何悴而不榮將人
物之多變豈禽鳥之異情苟相時而能動雖處困而必
亨是故邦治身出身顯道行奉周廬於旦夕視萬乘若
友生負文章之綺麗馳論議之崇鉉一賜則明珠白璧
再寵則三事九卿方解茲之舊紱庶息我之前黥可無
心於祿位終不日而蜚鳴大舜來鳳於樂奏宣尼致麟
於文成聊援毫而興起又孰不仰德而聞聲

狙賦

我觀世間何異厥狙狙公執技役我庭除投瓜齧果恭
養飽腴牽繩拽鐐奮躑嘯呼側身詡談恐懼足跗頌項
矐矐變幻首顙動因頤指靜類縹株恍惚錯愕滿堂盧
胡粵自童幼被彩弄錐長跳短躑嬉戲有餘忽然壯強
精幹猛軀急操襲取智慮畢輸亦復病苦顙頰困臞佯

顛詐死靈藥在壺豈或老衰涕泗垢洿曲頤偃鵠杖
給扶相彼仕達綽有時譽巧張鄉評雄跨官衙文馳觚
積武執戟又橫施爪距憤礫牙鬚高門縣簿伺候趨超
豪威勢卿語話囁嚅白虎獻議銅龍握樞摸稜唐手霹
憲漢符升堂踞坐呵喝擁驅棄律舞法鞭枯刻剝神奸
出沒拉羸扼軀頑貪集戾盜鹿攘踰貴與利期貨貝其
儲寵則驕至跋躑同塗膠目塞耳褫冠裂裾行遭倖辱
泣赴刑辜戴觀富威擅爾里閭經營家室粉飾體膚連
檣白梁負郭黃淤沼池魚鼈峙檻鴨豬業可必得事在
必圖誇奢服履酒液杯杆窮聲絲竹極色麗姝弗農崇
膚匪賈積幣自晨及暮鴻弋兎罟分房割典許帝德勑
齒霜嚙齧舌雷囁嚅侵貧併弱欺情侮愚春花秋葉更
宛逝枯先笑後號去車就途胡然比附竟作睽孤餒哉
氣力孰不丘墟當其為人尚有以娛殘骸斷齒螻螳焉
烏或者為鬼抑又可獻鱗肌角鬣魑魅夔魑一時之頃
幸不汝拘衆人盡然殆不我誣周公之衣勉強曳婁吳